

Morning Dogri (NSD) National News Bulletin 12-12-2024

आकाशवाणी

- प्रधानमंत्री नरेन्द्र मोदी होरें आखेआ ऐ जे सरकार सुधारें दे राएं नोजवानें दे रस्ते च आले आली अड़चने गी दूर करियै उंदी जिज्ञासा ते पक्के विश्वास दा सरगर्मी कन्नै हिमायत करा करदी ऐ।
- साबका राष्ट्रपति रामनाथ कोविंद होरें आखेआ ऐ जे “इक राष्ट्र इक चुनां” आले सरिस्ते च भारत दी जीडीपी च इक कोला लेइयै डेढ़ फीसदी दा बाद्धा करने दी समर्थ ऐ।
- केन्द्र मंत्री डॉ. जितेन्द्र सिंह होरें आखेआ ऐ जे 2035 ब'रे तोड़ी भारत दा अपना अंतरिक्ष स्टेशन होग ते 2040 तोड़ी इक भारतीय चन्ने पर उतरोग।
- विदेश मंत्री डॉ. एस.जयशंकर ते संयुक्त अरब अमीरात दे विदेश मंत्री होर अज्ज नमीं दिल्ली च भारत-यूएई सामरिक गल्लबात करगंन।
- मेटा दी मालकी आले सोशल मीडिया प्लेटफार्मे च दुनिया भरे च दिक्कत पेश आवा करदी ऐ। उपभोक्ताएं गी अपना अकाउंट खोलने च अड़चन पेश आवा करदी ऐ।
- खेलो इंडिया 2025 ब'रे आलियें स्याले दियां खेड्डा लद्दाख ते जम्मू कश्मीर च होंगन।



PM-Conference

प्रधानमंत्री नरेन्द्र मोदी होर अज्ज उपरातली दुए रोज पुलस महानिदेशकें ते महानिरीक्षकें दे कुल भारतीय सम्मेलन च हिस्सा लेंगन। शुक्रवारें ओडिशा दे भुवनेश्वर च शुरू होए दे त्रै रोजा इस सलाना सम्मेलन दा अज्ज खीरी ध्याड़ा ऐ। सम्मेलन च अज्ज प्रधानमंत्री मोदी हुंदे इलावा केन्द्री गृहमंत्री अमित शाह , राष्ट्रीय सुरक्षा सलाहकार अजीत डोभाल, केन्द्री गृह सचिव गोविंद मोहन बी पुलसै दे उव्व अधिकारियें ते देसै दिएं बक्ख-बक्ख सुरक्षा अजेंसियें दे प्रमुखें कन्नै राष्ट्रीय सुरक्षा कन्नै जुड़े दे बक्ख-बक्ख मुद्दें पर चर्चा ते सजाह सूत्र करगंन।

इस दरान पुलसै गी पेश औने आले, संचालन, परिचालन ते बुनियादी ढांचे सरबंधी मुद्दें ते विषयें पर बी चर्चा करगंन। सम्मेलन च अज्ज अंदरूनी सुरक्षा, नमें अपराधिक कनूनें, समुंद्री इलाकें दी सुरक्षा, साइबर अपराध, माओवादी खतरे, आर्टिफिशल इंटेलीजेंस ते ड्रोन चुनौतिएं सनें नमीं प्रौद्योगिकी करी पैदा होने आले खतरे दे बारे च बी चर्चा होने दी मेद ऐ।

<><><><><><>

Cyclone

चक्रवाती तूफान फैंजसल जंदी रातीं तमिलनाडू ते पुडुचेरी आले समुंद्री कंडे कश कराईकल ते महाबलीपुरम पुज्जी गेआ। रातीं साढे 10-11 दे बिच्च एह उत्तरी तमिलनाडू ते पुडुचेरी दे कंडे कोला लंघेआ, उसलै एहदी रफतार कोई 80 किलोमीटर प्रति घंटा ही जेहदे कारण मता तेज अंधी झक्खड़ झुल्ले करदा हा एल्लै एह तूफान पच्छम ते दक्खन-पच्छम दिशा च अगड़े बधै करदा ऐ ते बल्लें-बल्लें कमजोर होइयै गैहरे दबाव च तब्दील होए करदा ऐ। तूफान दे कारण उत्तरी तमिलनाडू ते पुडुचेरी च तेज बरखा बरे करदी ऐ ते बड़ा तेज अंधी झक्खड़ झुल्ले करदा ऐ जेहदे कोरण चेन्नई ब्हाई अड्डे गी बंद करना पेआ ऐ ते शैहरे च आम आओजाई पर बी असर पेदा ऐ। प्रभावत इलाकें चा प्रशासन नै पैहले गै लोकें गी सुरक्षत थाहरें पजाई दित्ते दा ऐ।

<><><><><><>

Gadkari

केन्द्रीय मंत्री नितिन गडकरी ते उत्तर प्रदेश दे मुख्मन्त्री योगी आदित्यनाथ होरें अगले म्हीने प्रयागराज च शुरू होआरदे महाकुंभ गी ध्यानै च रखदे होई राज्य दी महत्वपूर्ण सड़क परियोजनाएं दे कम्में दा जायजा लैता। उनें 63 किलोमीटर लम्मे रायबरेली-प्रयागराज राष्ट्रीय राजमार्ग गी चौड़ा करने, चरुं थाहरें पर 4 लैन आले बायपास दा निर्माण प्रयागराज रिंग रोड दा 7.6 किलोमीटर आला हिस्सा ते प्रयागराज च गंगा नदी परमजूदा पुलै दे समानंतर 6 लेन आले पुल दे कम्में सनें बक्ख-बक्ख परियोजनाएं दी समीक्षा कीती ऐ। दौनें नेताएं परियोजनाएं दा कम्म इस बरे 25 दिसम्बर तगर पूरा करी लैने पर जोर पाया ते गुणवत्ता ते सुरक्षा कन्नै कोई समझौता नेई करने दे निर्देश दित्ते।

<><><><><><>

Sithraman

वित्त मंत्री निर्मला सीतारमण होंरें इक क्रेडिट आउटरीच कार्यक्रम च 50 ज्हार शा बद्ध लाभार्थिं गी इक ज्हार 121 करोड़ रपे शा मती रकमे दे दोहार ते मंजूरी पत्र भेंट कीती। एह कार्यक्रम बिहार दे मधुबनी जिले च झांझरपुर च कराया गेआ। वित्त मंत्री होंरें एह दोहार पीएम स्वनिधि, पीएम विश्वकर्मा, मुद्रा, किसान क्रेडिट काछ स्क्रीमें तैहूत बंडे न। लाभार्थिं गी संबोधत करदे होई श्रीमती सीतारमण होंरें आखेआ जे 2047 तगर विकसित भारत कायम करी लैने च महिलाएं दी भूमका अगेतरी होग।



Akashwani

आकाशवाणी जम्मू अज्ज अपना 78मां स्थापना दिवस मना करदा ऐ। अज्जै दे रोज 1947 च पाकिस्तानी फौज आस्सेआ कबाइली हमलें दी आड़ च कीते गेदे हमलें दरान पाकिस्तान रेडियो परा चलाए जा'रदे झूठे प्रचार दा बनकदा ते मूह त्रोड़ परता देने लेई एहदी स्थापना होई ही। उसलै एहदा नां "रेडियो कश्मीर जम्मू" रखेआ गेआ हा। इस मौके पर श्रोताएं ते रेडियो प्रशासकें आस्सेआ ममारकी सनेएं दा सिलसिला अज्ज बडलै थमां गै जारी ऐ।



RNU Annoncement

आकाशवाणी दा क्षेत्रीय समाचार एकांश जम्मू ओंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बडलै साढ़े 9 बजे 30एं मिंटे दा इक विशेष कार्यक्रम प्रसारत कीता जाग जेहूदे क्षेत्रीय समाचार एकांश दी भूमका, जिम्मेवारिं ते कम्म करने दे तौर तरीके दे इलावा, इत्थे कम्म करी चुके दे अधिकारिं कन्नै गल्लबात बी शामिल होग। अपने कर्मिं दी होसला अफजाई लेई ऐकती स्थापना दिवस दे मौके पर उनेंगी सम्मानित बी कीता जाग जिंदे च 2024 ब8रे दे बेहूतरीन समाचार सम्पादक, डोगरी ते गोजरी दा बेहूतरीन समाचार वाचक ते अनुवादक, बेहूतरीन जिला संवाददाता ते जनरल स्टाफ श्रेणी च बेहूतरीन कर्मी शामिल ऐ।

इस मौके पर 2024 आले लोकसभा ते विधानसभा चुनावें दरान आकाशवाणी दे विशेष कार्यक्रमें लेई सैहयोग ते योगदान देने आलें गी बी सम्मानत कीता जाग।

<><><><><><>

Trump

अमरीका दे राष्ट्रपति चुनोए दे डोनाल्ड ट्रंप होरें भारतीय मतूल दे अमरीकी नागरिक काश पटेल होरें गी एफबीआई दा नेतृत्व करने लेई नामांकित कीता ऐ। श्री पटेल होर दुए भारतीय मूल दे अमरीकी न, जिनेंगी ट्रंप होरें अपनी कैबिलेट लेई चुनेआ ऐ। अपनी इक सोशल मीडिया पोस्ट च ट्रंप होरें कल रातीं काश पटेल होरें एफबीआई दा अगला डरैक्टर नियुक्त करने दी घोशणा कीती। उनें आखेआ ते काश पटेल होर इक बुद्धिमान वकील, जांचकर्ता ते न्याय दा पक्ष रखने आले न, जिनें अपना करियर भ्रष्टाचार दा पर्दाफाश करने दे निमित्त लाई दित्ता। एह्दे शा पैह्ले ट्रंप होरें भारतीय मूल दे अमरीकी वैज्ञानिक जय भट्टाचार्य होरें गी नैशनल इंस्टीच्यूट ऑफ हैल्थ दा डरैक्टर नियुक्त कीता हा, जेह्डी अमरीका च सेहम अनुसंधान आला अगेतरा संस्थान ऐ।

<><><><><><>

Hockey

हॉकी भारत दी मर्दे दी जूनियर टीम नै कल ओमान दे मस्कट च जूनियर एशिया कप दे पूल-ए मैच च चीनी ताइपे गी 16-0 कन्ने हराई दित्ता। इस मकाबले च दिलराज सिंहने 4 गोल कीते जिसलै जे रोशन कुजूर नै इक दे बाद इक उपरोतलीत्रै गोल करियै हैट्रिक लाई। इस जित्त कन्ने भारत कुल 9 अंक हासल करियै पूल-ए च सब्बने शा उप्पर ऐ। भारत दा अगला मकाबला अज्ज कोरिया कन्ने होग।

<><><><><><>

Badminton

भारत दी शीर्ष बैडमिंटन खडारन पी.वी.सिंधु ते लक्ष्य सेन, सैयद मोदी अंतर्राष्ट्रीय टूर्नामेंट 2024 दे फाइनल च पुज्जी गे न। फाइनल मकाबले अज्ज दपैहरी लै लखनऊ च खेड्डे जांगन।

महिलाएं दे सिंगल्स सैमीफाइनल च सिंधु नै उन्नति हूड्डा गी 21-12, 21-9 कन्नै हरायाजिसलै जे मर्दे दे सैमीफाइनल च लक्ष्य सेन नै जापान दे शोगो ओगावा गी 31-8, 21-14 कन्नै हराइयै फाइनल च प्रवेश कीता ऐ। अज्ज फाइनल च पी.वी.सिंधु दा मकाबला ची नदी वूलूपू कन्नै होग। जिसलै जे मर्दे दे सिंगल फाइनल च लक्ष्य सेन दा मकाबला सिंगापुर दे जियां हेंग जैसन तेए कन्नै होग।

<><><><><><>

VP

उपराश्ट्रपति जगदीप धनखड़ होर अज्ज उत्तर प्रदेश दे कानपुर जांगन, जित्थे ओह जयपुरिया स्कूल दे स्वर्ण जयंति समारोह च बतोर मुख परौहने शिरकत करगंन। एहदे अलावा ओह आईआईटी कानपुर बी जांगन जित्थे उंदा, उत्थे दे विद्यार्थिं ते अध्यापकें गी संबोधत करने दा कार्यक्रम ऐ।

<><><><><><>